



SLUŽBENE NOVINE

KANTONA SARAJEVO

Godina XXII – Broj 46

Četvrtak, 23. novembra 2017. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i člana 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10 i 18/13), Skupština Kantona Sarajevo na sjednici, održanoj dana 15.11.2017. godine, donijela je

ZAKON

O IZMJENAMA I DOPUNAMA ZAKONA O UREĐENJU SAOBRAĆAJA NA PODRUČJU KANTONA SARAJEVO

Član 1.

(Izmjena člana 40.)

U Zakonu o uređenju saobraćaja na području Kantona Sarajevo ("Službene novine Kantona Sarajevo", broj 30/17), član 40. mijenja se i glasi:

"Član 40.

(Snabdijevanje)

- (1) Snabdijevanje poslovnih objekata na području Općina Stari Grad i Centar (glavne primarne saobraćajnice na dionici Vijećnica - Marijin Dvor u oba smjera i u ulicama unutar ovog prstena) vrši se u terminima od: 00:00-07:00, 09:30-11:30 i 17:30- 19:30 sati.
- (2) Snabdijevanje poslovnih objekata na području Kantona Sarajevo koji se nalaze izvan područja iz stava (1) ovog člana i koji se ne nalaze u pješačkoj zoni i ulicama zabranjenim za saobraćaj, vrši se tokom cijelog dana u skladu sa odredbama ZOSS-a.
- (3) Snabdijevanje objekata koji se nalaze u pješačkim zonama vrši se do 09:00 sati za tekući dan, uz odobrenje koje izdaje Ministarstvo ili ako saobraćajnim znakom nije drugačije regulisano."

Član 2.

(Izmjena člana 41.)

U članu 41. stav (1) mijenja se i glasi:

- "(1) Odvoz smeća na području iz člana 40. stav (1) ovog zakona vrši se u terminima od: 09:00-11:00 i 18:00-20:00 sati i tokom noći u vremenu od 22:00 - 07:00 sati po prioritetima."

Član 3.

(Dopuna člana 47.)

U članu 47., iza stava (3), dodaje se novi stav (4) koji glasi:

"(4) Odredbe stava (1) ovog člana ne odnose se na vozila kantonalnih javnih preduzeća u slučajevima hitnih intervencija, uz saglasnost Ministarstva."

Član 4.

(Dopuna člana 96.)

- (1) U članu 96. u stavu (2) dodaje se nova tačka b) koja glasi:

"b) naknada iz člana 44. stav (5) ovog zakona,"

- (2) Dosadašnje tač. b), c), d), e), f) i g) postaju tač. c), d), e), f), g) i h).

Član 5.

(Izmjena člana 103.)

- (1) U članu 103. stav (1) u tački e) riječi: "st. (1) i (3)", brišu se.

- (2) U članu 103. stav (2) u tački b) riječi: "st. (1) i (3)", brišu se.

Član 6.

(Dopuna člana 104.)

- (1) U članu 104. dodaje se nova tačka b) koja glasi:

"b) postupi suprotno odredbama člana 40. ovog zakona,"

- (2) Dosadašnje tač. b), c), d), e), f), g), h), i), j), k), l), m), n), o) postaju tač. c), d), e), f), g), h), i), j), k), l), m), n), o) i p).

Član 7.

(Izmjena člana 105.)

U članu 105. stav (2.) tačka i) riječi: "st. (1) i (3)," brišu se.

Član 8.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-33778/17

15. novembra 2017. godine
Sarajevo

Predsjedateljica

Skupštine Kantona Sarajevo
Prof. Ana Babić, s. r.

Na osnovu člana 18. stav 1. tačka b) u vezi sa čl. 12., 13. i 14. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i čl. 7. i 30. Zakona o pravima branilaca i članova njihovih porodica ("Službene novine Federacije BiH", br. 33/04, 56/05 - Ispravka, 70/07 i 9/10), Skupština Kantona Sarajevo, na sjednici održanoj dana 15.11.2017. godine, donijela je